

丙戌初議遣廷臣巡邊不許加勅巡撫御史

庚寅夜太原地震

壬辰昏刻火星犯上將星夜犯建星

甲午夜金星犯井宿

乙未巡按福建御史葉稠請以市舶提舉司專理琉球貢物

屬鎮守太監盧勝上不許遣內官常杏

涇陽潮邑及金縣蘭州雨雹河溢

丁酉廷議修閩隘治鹿角榨偏箱車不利涉險宜工部造而

試之又如偏頭有警延綏西路大同西路策應朔代威遠有

警偏頭寧武南路宣府中路隨宜掩襲上從之

己亥周府永寧王子場薨年五十五謚安惠

庚子後軍都督同知芮成卒

許巡閱御史二年代


翰林編修焦芳為侍講

戶部郎中張福初冒奪門功得百戶黃改戶部主事至至進

順天府丞仍內直

五月乙巳勅山東署都指揮僉事高通總督備倭

辛亥給事中張海貞外郎金廸覈遠東軍儲



甲寅武清侯趙輔疾辭兵柄仍領宣府

己未復懷柔伯施鑑爵時坐贖謫貴州龍里衛立功

癸亥都督僉事昌英卒

丙寅復罷遣陝西巡茶行人以按察官兼之

丁卯傳陞工部左侍郎萬祺為尚書仍易州山廠

左副都御史原傑往荆襄等處撫治流民時荆襄流水大集

右都御史李賓以祭酒周洪謨流民說上之說曰東晉時廬

松滋之民流至荊州乃僑置松滋縣于荊江之南陝西雍州

民流聚襄陽乃僑置南雍州于襄水之側其後松滋隸于荆

州南雍併于襄陽迄今千年寧謐如故今荆襄山谷曠遠民

遭水旱上不能賑卹則轉徙勢不能禁不若因而撫定之置

官吏編里甲寬徭役則流民皆齊民矣何以遂為上是之

北城兵馬司吏目文會奏如洪謨指遂勅傑往


靖遠伯王添定襄伯郭嵩署都督同知馮昇都督僉事白瑜

管五軍營豐潤伯曹振成安伯郭鎮管神機營

戊辰復除御史郭瑞李讓嚴瑄王瓚行人李珊何舜賓鄒霧

為南京監察御史

己巳進士馮義仰昇馬中錫方陟為給事中義禮科昇兵科



中錫刑科涉工科

庚午前太子少保戶部尚書馬昂卒昂字忠高滄州人永樂
癸卯貢士授鴻臚寺序班正統丁巳拜御史整飭大同兵備
癸亥起刑部右侍郎改右副都御史居官有才幹頗任智數
凡事闕權倖委曲隨狗然亦持重不撓年七十八予祭墓賜
少保謚恭襄

六月丁丑前太常少卿林文萃文字恒簡莆田人宣德庚戌進
士授翰林編脩正統初進脩撰景泰中歷左諭德左庶子天
順初改尚寶司卿兼侍講尋進學士年八十餘贈禮部左侍

郎予祭墓謚襄敏

戊寅廣東按察僉事陶魯為副使

已卯陝西邊儲不給召商中兩淮河東鹽各十萬引納粟于
甘涼

丁亥通惠河成通漕增平江伯陳銳祿二百石餘賞賚有差
初議引昌平三泉今獨引西湖泉之半故不踰二載仍溢然
迄今猶賴蓋亦其始勞云


已丑薛勳嗣永順伯

增慶陽通判一專理糧儲

國權

成化十二年

六



山西按察使趙啟上六事息刀風以安善良禁撥拾以扶紀
綱定比附以免奏擾恤矜疑以伸冤抑明詳擬以清刑獄分
輕重以均賞罰從之

治脩武伯沈煜等罪以縱僧官常琇妖道通南和伯方瑛
妾也事發常琇成開原煜奪祿閑住泰寧侯陳桓豐潤伯曹
振錦衣指揮王珩各停歲俸

庚寅劉瓘嗣廣寧伯 劉安臣


雲南蒙化洱海鶴慶大理趙州鄧州盜起守命臣勦捕
丙申兗州通判陳翼以善治水政改順天通判專理河道

兩廣乏餉召高中監各二十萬引并聽民輸粟給冠帶
戊戌翰林院脩撰劉健汪諧為右春坊右諭德編脩周經為
侍讀

趙王見潯狎戲酤酒怒輒以刀劒刺刺人重筮殺之或剗面
碎首南樂王祁鈺湯陰王祁鈞二叔父也而亦欲殺之又強
買良家子女留止樂婦後宮詔草冠服削祿三之二祁鈞減
半祿臨漳王祁鋈坐同虐減祿三之一

庚子廣平侯袁瑄管五軍營都督僉事王剛管神機營

七月癸卯 皇太子祐梔生宸妃邵氏出



丙午濬揚州白塔瓜洲儀真諸河

己酉趙府平鄉王祁懿薨年三十二謚榮順

庚戌定京操官軍逃亡例

京師黑青見狀若犬狸剝疾時傷人不可捉捕 上嘗朝奉

天門衛士忽囂 上欲起太監懷恩按之頃而定

辛亥巡撫山東左僉都御史牟俸為右副都御史巡撫南畿

宋儒朱熹十世孫燉襲翰林院五經博士

壬子設貴州程番府

乙卯勅四川巡撫張瓚兼理松茂安綿建昌等處邊務

丙辰薛綸嗣楊武侯 薛琮子

巡撫遼東右副都御史彭誼致仕誼鎮靜有威裁鎮閭之橫
邊人德之

丁巳增九江守備


壬戌山東左布政使陳鉞為右副都御史巡撫遼良

國子祭酒周洪謨請加孔子大成至聖帝號籩豆八佾禮部

言謚號之易否器數之加否不足為孔子重遂如故

癸亥大學商輅等言脩省之寶曰節財用哈密等處番人 士

來京携帶玉石多被細人誘引進貢計囑行戶高直賣官規



取厚利閑住番僧往自都綱禪師陞至國師佛子法王等
給金銀印圖書其徒死更求造塔二者皆侵耗朝廷宜行禁
治曰卻貢獻廣東雲貴等處有貢奇花異草珍禽奇獸珍珠
寶石金銀器物此物非出所貢之人必取諸民取民不足又
取之土官夷人家一物之進其直十倍暴橫生靈激變邊方
莫此為甚乞勅內外臣自後皆毋進曰開言路曰慎刑罰曰
足軍餉曰飭邊備永樂間以交趾為郡縣其後鎮守非人遂
致陷失今兩廣四川廣貴州雲南俱係邊遠雲南與交趾尤
為切近蠻夷土官易生事變宜令吏部推剛正有為大臣一

負巡撫 上嘉納之

乙丑 上禁中祭告天地以黑青也

丁卯兵部右侍郎馬文升戶部右侍郎程萬里整飭邊備

戊辰遣官錄囚京省


八月辛未朔南京戶部左侍郎王恕改左副都御史巡撫雲南

巡撫順天左僉都御史張綱予告

丁丑內承運庫監生袁慶見內帑虛耗歲入不供而售直寶

石無虛日上章極言其弊命杖五十遣之至是仍入太學後

舉進士終廣東按察僉事



庚辰遣給事中御史覈內屯田

大理寺右少卿汪霖為右僉都御史巡撫永平整飭兵備

辛巳義武縣大水

壬午行人宋經知縣劉魁王景為監察御史

甲申增徽州階州判官各一隴西縣丞各一俱理邊儲

乙酉大學士商輅言郊祀之禮歲一舉行至重事也近聞

皇上廣敬天之心建祠宮北奉祀玉皇造祭器樂舞之具一

如郊廟并新編樂章命內臣習之欲于道家所云神降之日

舉行祀禮臣等竊詳 皇上為此毋非欲上為 母后祝釐

下為生民祈福但稽之于古未合禮經昔傳說告高宗曰黷

于祭祀時謂弗欽禮煩則亂治神則難伏望停罷凡內廷一

應齋醮亦悉禁止從之

薛應旂曰商文毅此舉亦事君之常耳若我 世宗聞之


則從之如轉圜不啻如 憲廟矣柰嘉靖末年之相不惟

不言且自為齋醮以逢迎之始知文毅不易得矣

南京大理寺左少卿金紳為南京刑部右侍郎

停湖廣四川江西三司官俸令戴罪捕盜

丙戌宥都督同知趙英罪初英分守涼州縱家人販茶哈密



回回

都督僉事張榮卒亳州人

世衛指揮使

丁亥左都御史李賓請製偏箱車五百輛鹿角榨五百具兵部言登高涉險不便上已之

夜月食

甲午巡撫甘肅右副都御史宋有文等言土魯番求貢許之

已亥邊倣稍息召鎮守大壩署都督僉事韓忠回京

九月丙午撫治荆襄左副都御史原傑奏地方事宜

鶴慶軍民府大雨雪雹

已酉南京太常寺少卿潘榮為南京戶部右侍郎

妖人李子龍等伏誅初易州人侯得權為游僧值道士曰道

真予之妖書云陝西長安縣曲沃村李氏子孕十四月而生

紅光滿室名子龍得權惑之變姓名李子龍蓄髮游真定間

夤入內府內使鮑石鄭忠等師事之謀逆邏校以聞執下獄

盡誅其羽黨

昏刻月犯建星


辛亥增孔廟籩豆侑舞之數卒如周洪謨言

壬子衡州知府周瑛為山西行太僕寺卿

國權

成化十二年

土



癸丑失朝一百八十餘人各停俸三月

邊警方急令旗軍能出贖募兵滿百人以上者賜冠帶

乙卯封謨鐸伊王偕瀋韓王周齡周世子豪壙沅陵王豪塹

長陽王見瀉河陽王銓錯沁水王甲銓華川王

丁巳 都督同知周貴卒六安州人

己未遼府衛山王貴城薨年五十八七子除謚恭惠

庚申封總兵官左都督李震興寧伯右副都御史劉敷為左

副都御史叅將都指揮使彭倫為都督僉事俱靖州功

辛酉遼陽衛地震有聲 夜月犯井宿

癸亥晉府交城王美琬薨年七十謚榮順

戊辰夜大星自五車流軒轅後三小星隨之

十月辛未傳陞監生李英儒士顧經郭亨萬燭蔣釗張欽陳賁

清楊周冕陳鑑孫士端沈葵李瀚劉鍾余昭謝汝明解綸趙

哲包明鄔存敬俱冠帶中書科食糧直御用監以諂太監梁

芳常興得進往 取釋道書小語不經之語標以異名干進

至美官或歲三四陞經父珏以巫起太常卿燾工部侍郎祺


養子存敬初名棖駙丞罷官至是改名其他多宦裔市猾也

壬申朶顏三衛夷人復請開馬市不許

國權

成化十二年

十一



夜大星自參宿流南困後三小星隨之

甲戌南京戶科給事中蕭龍家居有罪戍邊

夜大星自天苑流近濁

丁丑宥刑部尚書董方大理寺卿宋旻等罪初都人栗洪執

隣人之奸其妻者已殺之擬絞命上不允詰責之

戊寅封皇貴妃萬氏為宸妃邵氏順妃王氏和妃梁氏昭妃

十王氏

庚辰總督兩廣右副都御史朱英等招撫廣西徭獞賜獎勅

辛巳京師薊州地震

夜大星自玉井流天困

癸未夜月犯外屏星

丙戌金星晝見夜月掩畢宿

庚寅禮部奏度僧道萬三千三百四十人

辛卯夜土星守軒轅大星

南京禮部左侍郎章綸致仕

壬辰封朝鮮國王李娒繼妻尹氏


戊戌詔兵部檄宣大密雲山海遼東偏關等守臣整兵備

是月置饒平縣

國權

成化十二年

十三



十一月辛丑朔夜大星自華蓋流近濁

癸卯傳陞大隆善護國寺灌頂清心戒行國師班車兒藏卜
為灌頂大國師大能仁寺覺義給瓦領占為禪師餘陞秩有
差時僧道傳奉日盛吏部自奉旨左順門明日補奏至是內
官厭其煩令弗補奏

乙巳鑄哈密衛印給都督罕慎

戊申夜月同木星犯室宿

己酉撫治荆襄左副都御史原傑為右都御史賜勅

庚戌增汝陽縣丞


辛丑秦府興平王公鏐薨年三十謚安僖

癸丑進士唐昭為德府左長史近例親王出閣選進士侍書

甲寅賜衍聖公孔弘泰誥命特玉軸

乙卯續資治通鑑綱目成時纂修官戶部尚書萬安吏部右
侍郎劉珣翰林學士王獻侍讀學士彭華侍講學士邱濬左
諭德黎淳謝一夔右諭德劉健汪諧侍講程敏故脩撰鄭環
羅璟編修陸簡林瀚 上自序之

丙辰海寧伯董興卒興長垣人初燕山右衛指揮謹厚頗知
兵天順初石亨言其請除內難功得封尋鎮守總兵遼東不



能園下苛刻為奸利曹欽誅坐流廣西後復爵孫昇乞襲不

允世燕山右衛指揮同知

丁巳追封魯府安邱王當遂父陽鑿為安邱王

已未都督同知鮑政卒山後人

夜月犯軒轅大星

壬戌哈密使臣言苦峪城隘且沙磧無水不可耕而肅州東

有金塔寺并魏城魏里等乞賜居不許

癸亥南京大雷雨

命行人伴送貢夷并禁其市兵禁從馬文升之言

甲子夜大星自常陳流天市西垣

乙丑夜有二星分墜延綏波羅堡

楊是月巡撫四川右副都御史張瓚率兵同致仕播州宣慰

使楊輝勦灣溪大堪等苗賊之斬四百九十六級招撫男婦

九千八百三十七人

十二月癸酉傳陞南京禮部左侍郎倪謙為尚書翰林侍讀學

士錢溥為南京吏部左侍郎國子祭酒周洪謨為禮部右侍


郎仍署監事

乙亥禱雪

國權

成化十二年

五



丙子仍裁瓊州整飭兵備副使

戊寅翰林侍講徐瓊為南京侍讀學士

己卯夜西北赤氣長五尺許狀如矛鋒

壬午復通涿霸薊州判官宛平順義主簿各一專理柴炭

甲申傳陞錦衣正千戶萬通為指揮僉事副千戶萬達軍人

邵宗

宸妃弟

王敏

順妃弟

為正千戶俱世襲

乙酉禮部侍郎尹直憂去賜其父祭是朝乞恩甚裁禮部

奏定非授本等封贈者不與而直父封侍讀學士例不命特

許之而乞恩仍接跡矣

戊午曉刻月犯明堂二星

刑部右侍郎侍林鶚卒鶚字一鶚台州人景泰辛未進士授

御史薦守鎮江廉方有才尤好古博雅徵少恩政事頗刻年

五十四卒無以殮賜祭葬


己丑設鄖陽府即其地設湖廣行都司右都御史原傑前奉

命編歷荆襄間深山窮谷俱親涉履宣上德意流民忻然

皆著籍計十一萬三千三百七十七戶四十三萬八千六百四

十四人遣歸故土萬六千餘戶願附籍九萬六千餘戶許各

自占曠土為業供徭賦置郡縣于是割湖廣之竹山鄖縣地



置竹溪鄖西割河南之汝州唐縣置桐柏南召伊陽割陝西
之商縣置商南襄山陽進商縣為州立鄖陽府衛控制之薦
鄖州知州吳遠為鄖陽知府上悉從之

高岱曰驅逐流民唐未曾以之亡蜀豈不失策之甚哉王
者有分土無分民堂一統之盛既不能賑民使無飢矣
乃禁使不就食于曠土豈人情也哉况中原聚失業之民
襄鄖希不耕之地其于體國經野之規容民畜衆之義胥
失之矣由是觀之項忠之蕩定者一時之功而原傑之經
略者百世之利也後人蒙已成之業不能平定安集而至

有萌衅孽于承平者亦深有愧于前賢云

陳士元曰予聞人言竹山房縣界西蜀大寧大昌有山徑
通往來若開此道為西蜀東路則商旅通便且大寧有萬
頃山廣數百里岩箐險密奸人每嘯聚焉東路既開兼控
于鄖陽督府則蜀中鼯狸失穴窟而黎庶帖然亡警矣或
恐啟衅謂蜀路多則瞿塘莫守此偏守之見非所以設一
統之治也


夜月犯左執法星

夜月犯進賢星

國權

成化十二年

七



辛卯臨汾縣天鼓鳴

甲午整飭兵備兵部右侍郎馬文升作連河浮橋以通往來

乙未右副御都史陳鉞請勅自都指揮下有罪徑執治不許

丙申禮部右侍郎周洪謨釋監事司業耿裕為祭酒

巡撫大同右副都御史張鑿為刑部右侍郎

己亥後府都督同知趙勝為左都督

國權

益官孺遷孺木著

成化十三年丁酉

正月丙午免杭台紹興寧波去年水災田租四十一萬三千八

百四十石有奇

戊申夜月犯畢宿


己酉周府胙城王子壘薨年四十三謚榮順

庚戌 上南郊

己未前雲南布政司左叅政朱應登卒

國權

成化十三年



辛酉四川左布政李敏為右副都御史巡撫大同

提督四夷館右通政劉文致任

壬戌大興左衛指揮使周廣奏近年鈔千貫直銀四五錢勢

家每于各布政司郡縣每鈔千貫徵五金乞禁之報可

甲子代州天鳴

乙丑夜月犯建星

戊辰翰林編脩陸簡為侍講

己巳以增孔子籩豆樂舞遣吏部尚書大學士商輅告太學

翰林學士王獻吉闕里

編修費間為國子司業

改大壩兵備副使為安綿石泉江油龍州等處兵備監察御

史江浙為之

分遣給事中御史覈邊餉李俊潘瑄往四川劉昂劉仁往延

綏黃澄段正往大同彭序袁禎往廣西張善言陳遵毅往貴

州湖廣和遜薛綱往寧夏王謙婁謙往薊州唐章何鑑往宣

府黃麟翟廷蕙往甘肅


鳳陽臨淮晝晦地震有聲

二月壬申寧府瑄昌王奠墀薨年五十八謚恭僖

國權

成化十三年

二




甲戌安慶大雪雷電明日大雨江溢

減寧王奠培樂安王奠壘祿初奠壘奏寧王慘酷貪淫不軌等事命太監羅祥駙馬都尉石璟刑部左侍郎杜銘往按多實惟不軌為虛于是勅責之奪寧王半祿樂安三之一

丁丑丁首滿魯都亂加思蘭各入貢俾閱兵護之福建建寧衛指揮同知楊華少師榮曾孫也坐致死人被勅入京求解匿其戚中書舍人董璵所而百戶常瑛故無賴子投內官蒙其姓從征冒功得官璵求瑛為華地瑛覲其橐啖西廠邏校捕之搜得其擬賄目內閣商輅及法司大臣司禮

太監黃賜陳祖生皆有名旦奏下追所擬賄華璵皆不服使校人琶之三琶者錦衣酷刑也以加人人骨節輒離寸許華璵不勝苦即妄言寄華叔武選主事任偉處汪直不用駕帖直粹任偉至掠之并逮其孥翰林侍講陳音與任偉比舍聞官校囂聲乘墉詈之官校曰若不畏西廠耶音曰我侍講也官校竟以其孥去任偉實不受寄金被拷號痛與華璵不數日死汪直復使瑛入福建籍華產逮其家口赴京汪直大藤峽猛種也猛賊平閩直入禁中為昭德宮內宮進御馬太監便謫足任上寵之自李子龍誅後上銳意詞察外事以



命直，布衣褻帽乘驢騾往來都下莫重也久之大小政事
方言俚語悉採上聞 上悅之特立西廠使錦衣官校百餘
人從之聲勢赫然起矣

戊寅夜月犯井宿

己卯傳陞道錄司閑住右玄義仰彌高為左至靈

壬午御史熊繡謫清豐知縣繡初按陝西以布左政使干璠

餽帑金于苑馬寺卿邵進繡鞫庫官璠走京愬其枉覈之璠

進並免謫繡

癸未武安侯鄭宏卒宏侈肆帷簿不修

夜月食

庚寅脩遼東邊垣堡壘

甲午旌代府靈邱王仕漫孝行

浙江山陰縣忽涌血高丈餘

戊戌設四川安寧宣撫司及懷遠宣化二長官司

閏二月癸卯臨洮鞏昌地震有聲


乙巳錦衣千戶吳綬請禁傳報泄旨從之

丙午韓府襄陵王冲烱薨王性至孝六被旌勅母年八十一
得危疾封股羹之母泄下取嘗數日瘳成化初卜入河套請

國權

成化十三年

四



率子孫及壻從軍讀書樂善節儉好禮為藩輔冠年七十謚
莊穆

戊申秦王公錫奏邨殿門廡火命護軍採木漸為之

辛亥分守莊浪都督同知魯鑑子麟為萬戶魯氏世統土兵
麟莊勇善戰

壬子夜月犯進賢星

丙辰免平陽大同去年災租六萬三千六百四十石有奇

丁巳御史吳道宏往鄖陽撫安人民原傑薦道宏才望出已
上也

戊午勅廣東按察副使陶魯提督高雷兵備防禦蠻寇

夜有星自中台流北斗杓後三小星隨之

己未夜木星犯外屏星

辛酉免山東田租四十一萬六千五百一十餘石

癸亥詔脩省

乙丑河南大水

三月己巳藩府黎城王幼瑗薨年四十一謚莊惠


安南入貢

卜滿魯都臥加思蘭貢馬駝使者三千餘人詔許千七百人

國權

成化十三年

五



餘諭還告飢鎮撫官廩之而去

故海寧伯董興孫昇乞襲爵不允襲燕山右衛指揮同知
諸城縣地震

壬申琉球入貢

乙亥邏校捕寧晉人王鳳等謂與贖者康文秀於臨清于源
家謀逆株及知縣薛方致仕通判曹鼎並誣伏至是方鼎家
並擊登聞鼓訴冤鼎故相鼎之弟事下法司時邏校故為贗
書誘愚民而捕之無敢言者
庚辰夜大星自貫索流勾陳

壬午陝西河州地大震如雷丙申丁酉俱大震


癸未自宮求用者積九百餘人以遠禁命錦衣衛各杖二十
遣回

慎妖言之罪分守懷來叅將廖禮信部卒妄報妖言株繫甚
衆而巡撫殷謙叅將都督僉事周賢巡按御史何鑑太監弓
朕等各如之下都察院獄鞠誅妄報者并罪禮等

甲申行人賀元忠司馬聖范珠蔣昂李寅王珪為御史

戊子免開封災租三十九萬八千二十餘石

壬辰改禮部左侍郎許彬贈禮部尚書



丙申命慎選王府官嚴保勘考試之禁

四月戊戌朔進士潘洪張雄唐祝田景賢劉英林元甫王珩為給事中

甘肅衛天鳴地震生白毛地裂水溢有青紅黃黑等沙寧夏地震聲如雷壞城郭甘肅鞏昌榆林涼州沂州郟城滕費嶧等縣俱地震

己亥南京試御史嚴賓考中下謫盱眙知縣夜大星流雲中


庚子封芝址唐王恩錡肅寧王恩鉅長垣王任壘靈邱王膺鈞

沙陽王偕汪漢陰王奇堉永和王誠潔臨潼王申銓德陽王吏部左侍郎陳俊為南京戶部尚書

壬寅巡撫雲南左副都御史王俊為右都御史癸卯傳陞太監高義弟為錦衣百戶帶俸

南京監察御史任英等以災異請考察京官從之免平陽去年夏麥七萬八千三百餘石

乙巳勅商輅兼謹身殿大學士萬安太子少保吏部左侍郎劉珣禮部左侍郎劉吉俱尚書仍兼學士以續通鑑綱目成也纂脩官翰林學士王獻為少詹事仍兼學士左庶子黎淳



為少詹事兼侍讀學士彭華為侍講學士邱濬左諭德謝一夔並為學士右諭德劉健汪諧為左右庶子侍講程敏政陸簡為左右諭德脩撰鄭環羅璟為司經局洗馬編脩林瀚為脩撰

復懷柔伯施鑑爵

戊申右都御史原傑改南京兵部尚書

辛亥順天府尹邢簡為南京大理寺卿

暹羅入貢

番僧班卓兒瑞竹為灌頂國師完卜俄贊兒堅剌為領占端

竹國師

夜月犯罰星

癸丑刑部郎中武清勘事廣西回至通州厥校言其重載汪直繫尋釋不以聞

丁巳江西布政司右叅政胡濬為順天府尹

汪直令百戶常瑛執太醫院判蔣宗武下厥獄


己未禮部郎中樂章行人張廷綱俱自安南還執下厥獄免官秩

辛酉增延安府同知專撫土軍理屯田

國權

成化十三年

八



宥南京兵部右侍郎馬顯罪顯考滿回任載米官舫御史戴
縉發之下南京法司得釋

浙江左布政使劉福起復至京或構之汪直下之西廠獄
壬戌胡瑤襲錦衣衛指揮僉事父胡真故保母子得官又傳
襲蓋特恩也

開原大風雪極寒又雨


甲子法司擬楊泰死命太監錢喜及百戶常瑛籍其家械男
女百餘人入京泰弟兵部主事任偉調台州通判塔禮部主
事董序調河間通判從弟中書舍人任倣調惠州衛經歷

丙寅琉球王請復歲貢不許

五月丁卯朔免鳳陽淮安揚徐去年夏麥八萬九千餘石秋租
十一萬五千四百餘石

御史王本自雲貴清軍回百戶常瑛以汪直意搜得象笏等
下錦衣獄除名

戊辰前湖廣按察僉事黃潤王卒王浙江鄞縣人永樂初徙
江南富民寔北京請代父行官少之曰父去日老兒去日長
遂從之舉京闈訓導建昌改南昌拜交趾御史出按湖廣遷
廣東僉事憂去起湖廣坐誣謫舍山令致仕世稱南山先生



楊守陳曰方其少時已負笈之譽及其壯強益修耄老不
懈德足重于眾功足昭于時言足立于世其可謂有道而
甚文者與

癸酉免睢州去年田租


定陶縣地震

^甲丙戌汪直令常瑛執署太醫院事左通政方賢下西廠獄

丙子傳陞都指揮袁彬為前軍都督僉事

巡撫陝西右都御史余子俊奏栗林等族番攻龍溝堡官兵
敗之擒一人斬百六十五級 上勅勞之

罷西廠時廠校刺事煩密苛細民間鬪罵縱夫爭雞並痛捶
責有犯封閉其家或夜搜之所掠奪妻孥皆去衣裸杖遣人
四出偵王府鎮守總兵諸處亦輒私有擒械人情大騷大學
士商輅萬安劉珣劉吉上言近日京師伺察太繁法令太急
刑網太密人心洶、各懷疑懼非承平之世宜容皆緣 陛
下委聽汪直而汪直寄心群小往者曹欽之變皆由逮果生
事臣謂不去汪直天下安危未可知也回疏直十罪 上怒
曰用一內臣柰何輒繫安危于天下使太監懷恩至閣詰問
誰先主者輅曰朝臣無大小皆請旨收問而汪直敢擅執三




品以上宣大重鎮直一日擒械數人南京留守大臣直擅捕
之朝廷耳目直輒自更易直不去安乎危乎臣等同心一意
無有先後珣奮泣曰臣等侍皇上東宮凡二十年朝廷清
明忽汪直恣害何忍坐視安吉各推言之懷恩以聞上是
之立罷西廠散遣官校兵部尚書項忠倡九列共劾直命懷
恩數直罪責之退還御馬監成瑛宣府人心大快時西廠
驟草太醫院判蔣宗武囚衣返其家人未之知也初直在西
廠左都御史王越日往候之吏部尚書尹旻因越與厚及項
忠草奏使武選郎中姚璧特赴旻署曰名旻曰疏出本兵即

本兵自首之壁曰六卿公為長旻怒曰今日方知有六卿長
耶即遣人報帝瑛雖署名實出自兵部

戊寅謫司禮太監黃賜陳祖生于南京汪直既退泣訴上
前曰奴得罪皆黃賜陳祖生為之非外廷意遂出賜祖生司
香南京

已郊增曲陽縣丞專撫流民

辛巳傳陞文華門供奉尚寶司卿汪景昂太常寺丞金溥王
恒禮部郎中吉願俱別改京秩于是景昂禮部郎中溥禮部
主事恒工部主事願順天治中



署太醫院事左通政方賢成遼東初厥校搜其家得片腦沉

香等物謂盜官物又所藏御墨龍鳳藥丸夔器故得罪

壬午尚寶司卿朱奎以善太監黃賜謫保寧府同知

隰州及永和猗氏大雨雹

丙戌省前軍都督僉事袁彬錦衣指揮同知焦奉罪以為僧

人牒鬻于浙詞連彬等

庚寅巡撫雲南王恕奏安南人潛窺蒙自縣蓮花灘迨兵器

又境上設偽總兵

辛卯傳陞錦衣副千戶吳綬于鎮撫司同林巒問刑副千戶

楊瑛回本所

壬辰陝西按察使王朝遠為左僉都御史巡撫甘肅

禁遏刁訟從都察院之請

甲午兵部尚書項忠予告

勅旌廣東左布政使周鐸河南按察副使王璘黎平知府楊

緯泗州同知杜叅潛山知縣費璨

前浙江布左政使劉福以歲幣不如法降陝西按察使


六月丙申朔南京前軍建平伯高遠還京

署前府都督僉事奚顯後府都督僉事楊祺俱劾罷

國權

成化十三年

十二



南京兵部尚書原傑卒傑字子英陽城人正統乙丑進士授
御史歷右副都御史撫治荆襄流民置郡縣利賴首年世六
十一荆襄人聞計為巷哭罷市贈太子少傅子宗敏廢入監
謚襄敏

夜大星自騰蛇流左右旗

丁酉勅廣東都指揮僉事歐磐充將軍分守廣西柳慶


已亥沂州地震

定襄伯郭嵩理南京前府都督僉事王受理南京後府
壬寅荆府都昌王祈鑑薨年四十六謚惠靖

癸卯嚴捕盜之令

甲寅辰前兵部尚書項忠劄籍汪直怨項忠之劾已也囑官
校發江西都司僉書劉江與指揮黃賓事謂賓求于兄太監
黃賜屬武選郎中姚璧得由京衛陞江西都司科道交劾忠
違法詞連其子錦衣千戶綬 上命法司錦衣廷鞫忠坐
贓草秩江戍邊

設遷日項襄毅之劾汪直以衆不以獨懼其不克也非牀
于害也議者謂襄毅嘗道值直不覺直騎過趨謝之直心
不憚于是倡諸臣若劾讒口交致其不善成人之美如此



興寧伯李震降右都督嚴居南京錦衣千戶吳綬誣震遺項
忠地造室震不勝掠誣服


丁未傳召惠安知縣永韶入朝

前南京太僕寺卿鄭攸卒江西南城人宣德癸丑進士

庚戌南京監察御史戴縉考察入京上言近來災異薦臻我
皇上諭兩京大臣同加脩省未聞大臣進何賢才退何不肖
亦不開群臣草何宿弊効何嘉猷獨太監汪直緝奸捕貪允
合公論足以服人警衆第部下常瑛等行事張皇大臣奏允
即蒙草罷伏望 皇上推誠任人及時行政即命兩京大臣

自陳去留決自聖衷復西廠如故始 上心疑閣臣受楊昇
金徒位高置不問及縉疏入御史王億亦言之益心動復開
西廠汪直刺事如故調察益苛人不堪命
朱睦㮮曰嗚呼自古閹豎之禍未有無黨助以成者戴縉
之罪可勝誅哉

設遷曰人主深居宮禁中外懸隔嘗疑吏民之怨詛奸頑
之欺悖也恨無所以籠之官校調察耳目密布不啻神鏡
雖轉圜于閣部終以戴縉投其杼矣縉甘為鷹犬固不足
責竊為王越尹旻輩羞之矣



壬子後軍署都督僉事王信為平蠻將軍總兵官鎮守湖廣

京師雨錢

禁私錢頒示

癸丑兵部武選郎中姚璧調思明府同知苦瘴不赴滯留廣

西數年

丙辰兵部請臨清設巡撫鎮守官防飢盜不許

太監劉調鎮守江西

七月丁卯刑部尚書董方太子少保左都御史李賓引年致仕

戊辰巡撫湖廣左副都御史劉敷撫治鄖陽

己巳戶部右侍郎程萬里乞休改南京兵部

辛未命翰林院會內閣自覈其官屬

左春坊左庶子劉健翰林侍讀周經主試應天

壬申詔兩京堂上官五品以下者聽吏部考覈時太常寺丞

吳道亮自陳休致 上意其僭故有是命

賑京城水災時大霖雨壞民居

癸酉定遼東軍士冬衣布花布一疋折米 兼支二石五斗


棉花一升兼支四斗

南京前府定襄伯郭嵩專督操江

國權

成化十三年

十五



夜月犯罰星

乙亥禁山西攬納糧芻

巡撫雲南王恕劾鎮守太監錢能私遣指揮郭景等以尚方物遺安南黎灝，厚報之臣廉得之景入并死逮從者沒入其裝請治能罪。上不問時安南欲間麗滇至是謀敗。

丙子考察京官奏斥三十三人

戊命辰內閣考覈左右春坊司經局


已外勅各邊鎮守巡撫等官從宜計議彼處弭盜安民之術選將練兵之方備奏以聞

辛巳夜月食

太僕寺少卿韓定恭順侯吳鑑懷柔伯施鑑護月中府後至行禮于外並下臺獄贖還秩

乙酉免江西去年田租四十三萬二千餘石

丙戌吏科都給事中趙侃等言近諸大臣自陳休致惟許董方等三人餘皆存留然尚有公論未協者如戶部尚書薛遠過于寬縱兵部左侍郎滕昭失于鯁介周駉居光祿才力不及楊宣居鴻臚清譽無聞大理寺丞劉瀚進秩不愜清議南京工部右侍郎程萬里惟務奔競乞令自陳使之休致御史



尹仁等亦言之報可遠昭宣萬里致任調驛遼東苑馬寺卿
瀚延平府同知
遼海衛都指揮俞翺備禦洮河城縱火殺掠例戍邊宥之降
二秩
丁亥宣府副總兵周玉為鎮朔將軍鎮守宣府宣府總兵官
劉清移永平山海召都督馮宗還京大同右叅將都指揮使
唐永充宣府副總兵
戊子都督同知陳達同河道工部郎中楊恭于通州天津等
處役卒三千人役郡縣千人築隄便運


庚寅南京吏部尚書崔恭致仕

辛卯少詹事徐浦憂去

巡撫陝西右都御史余子俊為兵部尚書南京右都御史林
聰為刑部尚書國子祭酒耿裕為吏部右侍郎南京大理寺
卿邢簡為戶部右侍郎寧夏巡撫右副都御史張鵬為兵部
右侍郎陝西左布政使程宗為右副都御史山西左叅政侯
瓚為光祿寺卿鴻臚寺少卿施純為寺卿戶部左侍郎翁世
資總理京儲
翰林檢討李暹董夔為徽府左右長史中書舍人嚴良能金

國權 成化十三年

七



珙為審理正副待詔王言周鼎為紀善

釋定安王長子聰潘回代州守祖墓

癸巳陝西右布政使右叅政秦紘為右僉都御史提督鴈門

等關兼巡撫山西

巡撫永平左僉都御史張綱致仕

甲午免福建去年旱災田租十五萬九千九百餘石

是月鞏昌平涼隕霜殺稼

八月乙未朔太僕寺少卿李綱為右僉都御史

丙申夜大星自壘壁陣旁流天倉

庚子右副都御史程宗巡撫陝西召巡撫河南右副都御史

張瑄回院

置陝西黑水苑隸長樂監

辛丑貴州總兵官都指揮同知吳經為右軍署都督僉事初

播州宣慰使楊輝奉陞經秩兵部駁之至是巡按御史吳祚

復言之蓋經吳綬兄也

癸卯祭唐褚遂良于杭州


甲辰山東按察副使賈俊為右僉都御史巡撫寧夏

兵科左給事中郭鏜等上脩攘八事清軍伍恤邊卒草宿弊

國權

成化十三年

十八



立武舉廣用人指名器脩保障待下使選文臣通達國體者
為館伴有旨京營官官仍遣官點閱武舉不必設餘如議

乙巳武義縣大水

戊申兵部右侍郎馬文升乞慎選武學教官從之

庚戌都督同知馬讓卒和州人世金吾右衛指揮同知吳軒

辛亥犯夜月犯外屏西星

壬子前通政司右通政劉文卒大同人正統元年進士久在

夷館熟于夷情

夜月犯天囷西星

癸丑夜大星自柳宿流星宿

甲寅上閔兗州及南畿水災命戶部擇司官五人分賑刑

部郎中張文往兗州兵部郎中張謹往淮安戶部郎中谷琰

往揚州吏部員外郎國泰往徐州戶部郎中李炯然往鳳陽


俱賜勅

復河南巡撫官

乙卯免陝西去年田租二萬六千餘石布二千四百三十匹

曉刻月犯司怪星

荆府都梁王見溥薨年二十六謚悼惠



丁巳詔留巡鹽御史雍泰一年以撫恤兩淮灶丁

戊午巡撫遼東右副都御史陳鉞以貢夷私市禁物乞令行人同分巡僉事于開原撫順等關驗放從之

己未翰林學士邱濬為國子祭酒

分守靖州左叅將都指揮同知高端等禦苗失利降級凡七十人

總督兩廣右副都御史吳琛卒琛繁昌人景泰辛未進士授御史有時名其鎮兩廣承韓雍之後矯以儉約復衆無有逸圖人幸其沒

庚申夜月犯軒轅右星

辛酉知縣王珣張曉李經戴祐為監察御史祐南京

壬戌東廠雲發南百戶左昇私事詞連署通政司工部尚書


張文質及他官錦衣衛遂併執文質左通政何琮請署印

上始知之立釋獄責錦衣指揮使朱驥伏罪宥之奪祿三月

夜月犯左執法星

癸亥巡撫雲南右都御史王恕改南京叅贊軍務仍署院事

崔銑曰成化間政理物豐臣無重譴內則宦戚外則閣部各引私朋置清顯及閹汪直吏李孜省嬖戚萬氏驟寵又



進退大僚矣惟王端毅公著節焉公撫雲南乃擠之危公
舉大體略苛細務摧強伸窮雖錢闔亦心仰其治土夷詳
近略遠凡政下用片紙直陳數言事妥詞省滇人傳誦至
公今治經就所行而究多易舊訓嘗言宋諸儒可謂善事
德行矣門人尊稱之文不無過實云
甲子翰林檢討傅瀚為脩撰
九月乙丑朔江西右布政使李衍為右副都御史巡撫河南
丙申淮安水溢傷人畜
夜大星犯土星

丁卯許遠東中淮浙益引各五萬

戊辰禮科右給事中唐章等覈宣府虧餉米豆至十餘萬請
罪先後管糧官及巡撫鄭寧等許之

復設湖廣白河縣隸陝西金州

夜大星色赤自墳墓流地濁

庚午封恩鐸遠世子膺錄唐年王銓饒陵川王見淨永豐王

見沂襄邑王仕璠隰川王詮鍾沁源王


行人楊榮為南京監察御史

免河間夏稅萬一千五百八十餘石

國權

成化十三年

主



辛未夜月犯建星

壬申詔逐罷閑官吏人等之匿京師者御史許進言其妄訴請託也

甲戌夜京師地震

乙亥江西都指揮使劉莊坐贓戍邊

丙子詔邊儲三年一覈著為令

鎮守廣西內官黃沁貪虐占靖江王草場見奏沁訐王妓飲及他事遣勘獄上下沁南京法司錄囚減三十一人戍邊

庚辰傳陞禮部帶俸員外郎梁能為山東右叅議中書舍人沈達張春沈銓為鴻臚寺丞序班王哲為寺主簿百戶趙洪為副千戶鎮撫殷慶為百戶匠人汪斌錢洪汪義孫昇鄭宗顏英文思院副使儒士王軌蔣磬等俱冠帶中書舍人科南京禮部尚書倪謙致仕

置陝西三水縣析淳化縣地進蘭縣為州


彙顏衛都督阿兒乞蠻等乞糧不允

壬午巡按雲南御史甄希賢等劾鎮守太監錢能等及都指揮方明周佐布政司叅議余醞僉事翁遂等罪都察院請俟

國權

成化十三年

主



能再勘至自處分許之

癸未夜大星犯上将星

甲申吉王見浚之國長沙

乙酉夜月犯鬼宿

辛卯傳陞錦衣衛僉事千戶張玘百戶袁林劉俊李璈俱進

一級林俊世襲畫士祝塌朱偉劉節昂張玉匠王剛等俱文

思院副使

日本入貢

十一月丙寅嚴文武乘輜之禁文臣許三品上武臣繫不許以

太監汪直言之

丁卯覈遼東屯田

免長沙善化茶陵湘陰醴陵攸縣田租十萬五千八百餘石

戊辰吏部右侍郎黃鎬兵部右侍郎馬文升俱為左侍郎

辛未杭州大雷雨曉白虹見

甲戌有赤雲隕山西永和縣俄聲震如砲

乙亥許朝鮮市弓角歲五千計


丙子夜月犯畢宿

戊寅荆門州大雷雨

國權

成化十三年

三



庚辰暹羅入貢

夜大星犯進賢星

辛巳大星色青白自文昌流近濁後二小星隨之

壬午大慈恩寺佛子領古竹等求印禮部不可 上竟予之

癸未吏部右侍郎耿裕憂去

夜月犯上将星

乙酉石州妖人桑冲伏誅冲詭婦人飾刺繡穢淫良家子亡

箕事聞命磔于市

丙戌免真定夏稅麥萬四千一百石有奇

丁亥賜正一嗣教真人張元慶為正一嗣教保和養性繼祖

守道真人並封母吳氏志順淑靜玄君

十三衛寇鞏陽以朝廷遣官伴行禁制不堪也巡撫陳鉞請大

征故有是命

前太常寺卿兼翰林學士孫賢卒賢字舜卿杞縣人景

侍讀

泰甲戌進士第一授脩撰進侍講天順初改左中允成化初

進太常少卿尋太常寺卿歷侍讀學士逾年請立東宮且乞


休免之邑不樂年五十四性剛急忌才輕于舉劾贈禮部

左侍郎謚襄敏賜祭葬

國權

成化十三年

二十四



庚寅錦衣指揮同知趙能卒

壬辰宣府柴溝馬營葛路堡中河東益各十萬引

辛巳鎮守寧夏都督同知范瑾為征西前將軍總兵官鎮守

大同

巡撫右副都御史張瓚征松潘等叛夷分道抵其巢斬一千

七十級

十二月甲午朔夜金星犯壘壁陣

乙未分守延綏東路都督僉事神英為征西將軍總兵官鎮守寧夏

申刻金星見

丁酉夜月犯金星

庚子彭武伯楊信卒信早昌平侯洪從子驍勇善騎射捕累功自所鎮撫至都督同知延綏總兵官天順二年西黃梁功封在邊四十年安靜人樂効用頗好營利贈彰武侯謚威毅

甲辰免順天田租二萬三百餘石


夜^火光星赤光自翼宿流近濁三小星隨之

乙巳巡撫遼東右副都御史陳鉞請封建州三衛從之

國權

成化十三年

三五



夜月犯司怪星

丙午議減天津等衛秋草免保定隆慶衛災租

丁未賜罕東衛指揮同知綽扇絲幣羊酒以擊_{土魯}斬六級

戊申夜月食

庚戌夜月犯靈臺中星

辛亥少詹事黎淳鄉試錄多駁雜或犯_{廟諱}宜申飭從之

御史胡濂請教官用會試乙榜罷歲貢監生_上令嚴歲貢

監生之選

四川茂州地震

夜月犯右執法星

壬子夜月犯上相星

丙辰太子少保左都御史王越為兵部尚書蓋自陳紅鹽之

功故尚書白圭抑之越覲本兵而余子俊從外鎮得之越


意快_至是子俊餌之加原俸一級

丁巳免蘇松常鎮夏稅二十三萬一千石有奇

戊午命南京刑部尚書周璫致仕

己未刑科給事中趙良請太子講學諭俟明年

免兗州夏麥十二萬七千七百餘石



國權

成化十四年戊戌

正月甲子朔夜火星犯亢宿

定襄伯郭嵩卒嵩嗣叔登爵初任錦衣衛散騎舍人視其家
不問登作詩以梟獍刺之至是卒以非嫡裔子忝襲錦衣衛
指揮使帶俸

庚午吏部大計罷斥二千十六人福建右布政使鍾清浙江
江西按察使劉鈺趙啟皆民譽也


國權

成化十四年

一

庚申武學訓導張寧言各營都指揮以下曠學兵部議推一
官任教 上命不必推官但月一課之
是年陽江知縣崇仁方嵩陞 嵩由太學生天順甲申任
歷十四年極慈惠民乞留之不得

國家圖書館, NATIONAL CENTRAL LIBRARY, TAIWAN, R.O.C.



辛未夜月犯畢宿

丁丑夜月犯軒轅左星

已卯襄王瞻塔堯王讀書通詩尤長春秋宣德四年之國長
沙正統初徙襄陽已巳北狩上書請立東宮令郕王監國明
年南轅又請景帝宜旦遣使視膳朔望率群臣問安不報
天順初召入朝甚懼六年復迎辭老命歲致存問丙戌劉千
斤反王捐祿犒師年七十一謚曰憲

徐學謨曰襄憲王英廟愛弟景泰末頗涉危疑逮上

復辟議漸解彌篤親屢年脩觀接祗留驩亦忠順之所

格也篇章示好永為國琛至今嗣王孝友無間搢紳先生
雅稱述焉書云有典有則以貽子孫其此之謂乎

癸未免嘉定去年水災田租七萬七千六百八十餘石

夜月犯西咸星


甲申復遣御史洮河巡茶

乙酉兵部尚書余子俊上申明條例十事謹選法嚴紀功重

爵賞息爭端革吏弊重勅令順夷情謹軍政皆從之

丁亥諭草倉場積弊

勅宣大延綏寧夏甘肅鎮守巡撫等戒嚴



壬辰命陝西各邊開中引益河東

免河間災傷田租七千六百餘石

癸巳刑部郎中鍾蕃等勘鎮守雲南太監錢能通安南千崖

孟密諸夷皆實宜罪 上特宥能勅責之

二月乙未巡撫甘肅宋有文以給邊卒布多踈短致大噪事聞

降河南布政司左叅議行都司都指揮劉忠等噉悍卒調廣

西邊衛

庚午禮部尚書劉吉翰林學士彭華主禮闈

免真定田租萬八百九十八石

辛丑撤馬兒罕速檀馬黑麻入貢

壬寅巡撫遼東右副都御史陳鉞以海西女直將入寇請督

兵 塞上上從之

錦衣衛指揮使萬喜為都指揮同知指揮僉事萬通為指揮

使正千戶萬達為指揮僉事各世襲

癸卯夜大星自紫微流近濁

甲辰夜火星犯亢宿


丙午命中外軍政官五年考選

戊申 皇太子出閣講學閣臣萬安劉翊劉吉提督各官講

國權

成化十四年

三



讀太常寺少卿兼翰林學士王獻少詹事兼侍讀黎淳學士
謝一夔右春坊右庶子汪諧沈馬鄭環羅璟傑直學士彭華
侍讀學士汪朝宗左春坊左庶子劉健左諭德程敏政侍讀
周經修撰陸欽張昇張頤遞講讀經改右中允昇改左贊善
脩撰傅瀚兼校書太常寺少卿謝宇禮部員外郎凌暉兼正
字通事舍人耿亨紀本
已酉南寧伯毛文往南京操江宣府總兵康永調甘肅大同
左叅將汪山為宣府副總兵
增雲南按察副使整飭臨安兵備


罷朝天宮役專脩國子監

庚戌改萬安吏部尚書兼謹身殿大學士劉翊禮部尚書劉
吉各進太子太保兼文淵閣大學士

命進英國公張懋太子太傅撫寧侯朱永襄城侯李瑾太子
太保吏部尚書尹旻戶部尚書楊鼎禮部尚書鄒幹俱為太
子少保

免鳳陽去年水災田租十七萬一千七百十七石有奇

壬子府軍前衛署都指揮僉事周璽亮左叅將分守大同
夜大星自紫微流近濁



甲寅錦衣衛指揮使牛循為都指揮同知仍署衛事

乙卯定東宮侍衛官校二十有奇丙辰夜月犯羅堰星

丁巳免徐州夏秋田租

庚申山東按察副使陳相鳳陽通判馮珪登州通判袁玘開

州通判林彥綱俱賜勅誥旌其善政

總兵官都督同知歐信巡撫遼東陳鉞襲擊建州三衛夷攻


破寨五十三斬二百餘級上捷

辛酉故廣西都指揮岑瑛以頻年殺賊功賜誥命

未刻雨土霾

三月癸亥朔勅四川巡撫張瓚討松茂諸蠻瓚分道攻其巢斬
一千七十級攻白草坭西坡禪定諸寨夷又攻疊溪茂州等
夷斬二百一十八級又攻白羊坭餘寇斬九十餘級于四月
戊午班師

丙寅各道監察御史屠浦等言竊見巡撫寧夏奏稱邊儲匱
乏欲將河南陝西山西北畿兩考吏典及在京各衙門辦事
滿者俱令納銀免考即與冠帶民間子弟納銀許充知印承
差郡縣等官三年六年考滿納銀免其赴部考績戶部准擬
詔許通行稽之往年陝西偶納草納馬事例至今朝論不以



為是堂々天朝富有四海令量入為出用一省百邊儲胡患
不充軍需胡患不足而為此賣官鬻爵之非伏乞痛前草非
別圖長策使邊備不乏名器不濫上曰漢文帝從晁錯備
邊之策後人惜其作俑納銀足邊後世謂何御史言是一切
罷之

夜大星自織女流近濁月犯天高星

丁卯南京參贊機務右都御史王恕為南京兵部尚書仍參
贊機務

戊辰進士張琛為吏科給事中

免開封南陽衛輝汝州濟南去年水災田租

錄岷州破番功


都督僉事白玘為都督同知

妖人陳廣平伏誅

已巳國子博士戴仁徐增行人汪山唐為楊澄知縣張泰為

監察御史


馬隆
庚午右副都御史張瑄為南京刑部左侍郎南京太常寺少
卿李本為南京禮部右侍郎總督南京糧儲右副都御史胡
拱辰為南京左副都御史巡撫貴州右僉都御史宋欽為南



京大理寺卿

辛未禁安南使臣多挾私貨
勅兵部左侍郎馬文升往遼東招安建州三衛夷人初海西
兀者前衛都指揮散赤哈言開原驗放夷人指揮管 受其
珍珠豹皮兵部檄總督都御史陳鉞勘完都督產察者散赤
哈侄也方入貢指揮管 懼賂產察白言無有散赤哈恨之
聲言且犯邊鉞招散赤哈來廣寧面折散赤哈率所部欲由
撫順關進參將周俊恐赤哈見越則指揮管 事露馳報曰
海西夷素不從此關進恐開衅他日鉞是而沮之時散赤哈

已入關則大怒折箭誓復歸海西道從建州過建州三衛夷
懷董山之忿即留散赤哈聚兵數千大掠鳳集諸堡鉞集兵
拒之則已去獨近塞也僧格等十八族皆土著下方入貢恐
我誤兵留其使走之撫順所白鉞曰犯邊者海西人無預我
我等十八族皆有人入貢未還也鉞方欲自辭與副總兵韓
斌等收繫也僧格等杖殺之乘夜襲屠十八族詭奏搗巢功
月四五捷復請兵征之通事王英說太監汪直曰建州三衛
臣等世豈有叛理朝廷遣行人伴送貢夷彼中途不得留
易陳都御史貪功啟衅失遠人心公請于 上往彼撫諭察



錢所為此可為公功英請從直喜以聞司禮太監懷恩尾之
故命文升往

癸酉駙馬都尉趙輝卒江都人尚寶慶長公主粗知文學然
侈甚

甲戌福建上杭縣盜起勅鎮守太監盧勝巡按御史戴用等
督捕之

丁丑策貢士梁儲等三百五十人于奉天殿賜曾彥等進士
及第出身有差

己卯南京西華門廠竹木等料火


定秦慶肅韓各王府郡主以下府第工價例則

辛巳閉雲南烏撒衛等銀洞

壬午免大寧都司并天津平陽大同屯租

丙戌進士梁儲張潔陳瑄楊傑教山劉忠孫珪于材王珣劉
允中張朴徐鵬汪藻鄧煥林霄江瀾張九功陳邦瑞馬廷用
荆茂劉機李經謝文張芮倪進賢楊廷和楊時暢武衛選翰
林院庶吉士學命士王獻謝一夔教習

開遼東廣寧馬市從巡撫陳鉞之請鉞奏永樂間遼東設馬
市三一開原城南關以待海西女直一在廣寧城以待朵顏



三衛正統間曰世事罷其二惟存開原南關近者朵顏窮迫
潛結海西轉市于我海西藉彼馬力數犯我邊若許復開則
收朵顏之心散海西之黨下廷議從之

起右僉都御史高明巡撫福建捕盜

丁亥免浙江收買花木巡按監察御史張銳等言其病民也

江川王音坡薨無子弟鎮國將軍音墊當襲妃劉氏謀于內

使陳誥等令宮人王氏稱遺腹陰抱他人子養之事發革妃

號并勅責音墊擅出城之罪

戊午安南國王黎灝奏辨侵掠占城之罪占城非沃壤止屏

象香木臣何所利而侵為也

辛卯汪王議葉高郵邵伯寶應白馬湖隄從之

四月乙未吏科給事中趙侃等乞守令專選科目毋及監生吏

部謂此乃李賢奏選監生固難以科目拘也 上然之


丁酉免山東及揚州等水災田租

夜大星自左旗流虛宿

庚子封李璽江夏王當濟滋陽王當潛陽信王同鈺永寧王

申銷汝川王覲錫瑞昌王

兵部尚書余子俊上軍功賞格議行之



壬寅南京戶部右侍郎潘榮總理糧儲

甲辰琉球中山王世子尚真入貢

丙午兵科給事中董旻行人右司副張祥使琉球封尚真琉

球國中山王

襄陽大雨江溢壞民舍城郭

丁未夜月犯天江上星

戊申翰林編修李傑為侍講

己酉定琉球二年一貢

庚戌免廬州淮安去年田租

犯大同玉林等處右叅將盧欽等擊敗之斬一級

壬子巡撫延綏右僉都御史丁川憂去

癸丑戶部左侍郎翁世資為尚書仍督京儲

甲寅錦衣衛帶俸指揮僉事蔡英挾弓矢行掠伏誅

丁巳楊瑾嗣彰武伯 楊信子

戊午前南京禮部左侍郎俞綱卒綱順天諸生嘉興人善書

授中書舍人改邸府審理正 景帝初歷令官性不忤物天


順初奪太子少保調南京禮部左侍郎

分守奉御羅振等追出塞斬二十九級

國權

成化十四年

十



五月壬戌朔免永和猗氏田租

癸亥代府和川王成鏐薨年三十謚悼僖

丙寅免遼東藥材二年

戶部右侍郎邢簡卒簡咸寧人景泰甲戌進士

介有守無矯言飾行

壬申河南左布政司楊浩為右都副御史巡撫延撫尚寶司

少卿戴縉為右僉都御史

癸酉少詹事黎淳為吏部右侍郎右副都御史張瓚殷謙為

戶部左右侍郎

都察院囚逸御史馬隆李寅下獄左都御史王越右僉都御

史李綱奪俸三月

夜大星流雲中

丙子陝西山東左布政使孫仁陳儼並為右副都御史翰林

脩撰張頤為右僉都御史巡撫四川儼貴州頤宣府

丁丑寧陽侯陳瑛總領將軍宿衛

戊寅儒臣輯御製詩集四卷


己卯兵部上武舉條格

辛巳前巡撫順天左僉都御史李綱卒綱字大振長清人景

國權

成化十四年

十一



泰甲戌進士授御史謹愿精吏事

甲申遼王豪城薨年五十謚曰靖

丙戌商州大水淹人稼

戊子減去年遼東中河東鹽米數每引止米三斗五升

庚寅夜大星自天市流氏宿

六月癸巳勅各邊總兵官嚴兵備下甲午設廣東恩平縣


丙申免鎮江太平蘇州池州去年災租

戊戌勅兵部左侍郎馬文升及贊理軍務右副都御史陳鉞
會議招撫夷寇文升至遼東鉞意與同功文升主撫至開原

故海西兀者等衛都督等官察安察等三百七十五人而被
屠十八族蓋來訟寃文升賑慰之曰言建州叛服靡常我已
招降董山而又殺之近復搗其巢槃及無辜失信生禍莫此
為大招撫征討 上命之兵部尚書余子俊是文升議曰禦
宜先守備先朝羈縻建州不深治也伏當加罪狀未著遽征
之非祖宗初意

庚子金木二星晝見

壬寅司經局洗馬鄭環為南京太常寺少卿尚寶司卿李本
為南京光祿寺祿



癸卯勅太監汪直率通事百戶王英往遼東處置邊務時東
下逃犯靉陽諸堡英說直可出擊下并招撫建州為公功直
請上得行

丁未大慈恩寺禪師喃渴領占等乞銀印特許之

辛亥臨晉天鳴隕黑石子縣東南三十餘里有聲入地三尺

大如升

壬子武功左衛指揮僉事王宣為署指揮使宣

貢

士襲職

癸丑貴州普定等蠻作亂總兵官吳經等奏徵湖貴雲南兵

大征上不許曰貴州深阻恐未必得賊徒傷無辜其勅巡

撫陳儼往度之

甲寅守制巡撫延綏左僉都御史丁川卒新昌人進士天順

七月庚申朔浙江按察使楊瑄卒瑄字廷獻豐城人景泰甲戌

進士授御史劾曹石下獄戍鉄嶺衛赦還不往謝曹石又戍

南丹曹石敗復官轉浙江海道副使至今官築海塘浚西湖

年五十四民數世賴之


楊守陳曰嗚呼正統之末社稷非景帝莫可保而一時竭

忠効勞者皆可謂社稷臣也二凶于是時亦受恩不貲富

國權

成化十四年

十三



貴極矣而忠勞蔑如逮景帝未誠所謂惠懷無親者矣天下非英廟其誰歸而二凶貪天之功弁髦景帝魚肉其社稷之臣殆盡此予所慟哭流涕而不能已也嗚呼二凶是舉豈真要功以固位而已哉蓋以圖改玉之非也于是勢焰炙天孰敢一時睚眦之而公露章顯斥瀕死而不易辭可謂忠讜之臣矣曾不數年而二凶身刑家慘遺臭亡窮而公乃高陟令終流譽于千載豈直薰蕕之辨而已哉嗚呼使二凶不自作孽則國家無衅而且富貴延及于來世亂未公非以忠讜著則雖有他表見豈能若今之焯焯後

世決不可滅如此哉是亦足為萬世人臣鑒矣


此段有誤

癸亥江西人楊福嘗給事崇府或謂其貌汪直也福即詭直奉使自蕪湖乘傳歷浙閩閱軍數餉從者為奸相與利鎮守太監盧勝偵其詐逮下獄論死

壬申復趙王見瀆爵

乙亥兵部申明馬政條例

前鎮守鴈門關兼巡撫山西右副都御史朱鑑卒鑑字用明晉江人永樂貢士授蒲圻教諭進御史按湖廣廣東有名歷山西右布政及土木之變進巡撫山西右副都御史克盡其



職年八十一賜祭葬

丙子四川益井衛地震至己卯復震

南京工部右侍郎李春致仕

遣戶部郎中林孟喬員外郎袁江賑濟南東昌兗青飢員外郎劉道王臣往真定保定河間大名廣平順德其災甚者停糧芻馬匹及一應差役

戊寅黔國公沐琮請三司保勘土官襲職者急為剖決爭端可息上是之

己卯獨石指揮同知緝律脩邊值下騎五百戰敗分守右少

監劉祥署都督僉事李剛援之又敗

辛巳南京太僕寺卿劉俊為南京工部右侍郎
癸未進士趙泰馬銓吳凱秦昇劉清為給事中泰銓戶科凱昇兵科清刑科


勅諭哈密右都督罕慎時巡撫甘肅王朝遠等聞速檀阿力部下携叛欲調赤斤罕東二衛兵二千甘涼兵一萬罕慎兵七百副總兵王璽期八月直搗故城兵部尚書余子俊言其不可止宜伺便故有是命

戊子禁山西鑿石

國權

成化十四年

五



已丑占城入貢

給哈密馬馬平章布帛牛種

八月癸巳南京刑部右侍郎金紳巡視水災

乙未禮科給事中馮義行人張瓘封占城國王齋亞麻勿庵

戊戌遣京營把總指揮僉事張懷往會密雲守臣伺卜時報

卜入寇

庚子禮部員外郎黃景賑順天戶部員外郎劉直賑保定道

王臣賑廣平大名順德主事官廉賑河間刑部郎中張錦賑

真定戶部郎中林孟喬賑兗州員外郎袁江賑東昌大理右

評事彭詮賑濟南青州又減山東湖廣河南江西災租

乙巳廣西太平府地震自六月至是凡七刺雄七極前以奏

丁未停順天民借支倉糧

南京大風拔太廟木

免順天所負羊毛

禁私錢

戊申早朝左班如兵甲聲俱辟易不成列久之始定莫知其


故以下列百餘人蹠午門踰時釋之

吏部以御史屠瀟請汰冗官共冗六百十三人從之

國權

成化十四年

十六



庚戌南京尚寶司卿夏瑄為南京太常寺少卿

辛亥威州地震

癸丑巡撫四川右副都御史張瓚憂去

夜嘉興南方有聲如運磨連夕不止

甲寅下巡撫南畿右副都御史年俸錦衣獄巡撫遼東陳鉞

怨俸構之

通政司右叅議李寬通賂劾免

乙卯傳陞錦衣百戶王英為帶俸正千戶陳鉞子澍前以奏

捷授錦衣冠帶小旗至是入太學

丙辰兵部右侍郎張鵬兵科給事中張善言闕侍衛九九門

吏卒

錦衣衛刑副千戶吳綬為指揮僉事仍管鎮撫司

戊午鳳陽大雨水

九月己未朔錦衣衛指揮同知朱驥為指揮使

遣御史三人往良鄉固安通州捕盜

辛酉定隱匿賊情例


壬戌潯州知府孫璋為山東布政司右叅政

癸亥開封河溢

國權

成化十四年

七



甲子封弥錄新野王誠漢保安王

乙丑兵部上諸臣所薦邊才五十六人

清平伯吳璽卒

脩居庸等處閔隘

己巳裁錢塘富陽臨安於潛昌化桐鄉安吉勸農縣丞

庚午國子博士羅鵬為監察御史

癸酉巡按貴州御史李勳縱家人入公署脅財削其籍

甲戌階州地震

乙亥巡按陝西御史鄭煜復命失儀謫京山知縣

乙酉鎮守雲南太監錢能為指揮姜和李祥乞恩免罪許之

十月壬辰雲南巡撫等區畫廣西以上知府昂貴與弥勒州子

尹龍判仇殺也

癸巳通政司右通政潘禮憂去

甲午總督糧儲兼巡撫鳳陽右副都御史李裕憂去

乙未南京羽林左衛署都指揮僉事都勝克恭將協守漕運

丁酉右僉都御史李綱為左僉都御史總督漕運兼巡撫鳳


陽等處

辛丑陳鉞請討建州卜剌塔等兵部恐起衅宜俟其入擊之

國權

成化十四年

六



報可


故韓府漢陰王徵錕追廢為庶人王亡子疾時妃父周恂取
他人子為王子既長得封至事是破斬恂沒其家受封男女
皆賜死追削王爵謚國除
偽漢陰王偕清伏誅初韓滿王姬平氏子徵錕封漢陰王長
史周禮任久家平涼子恂郡諸生娶平涼衛指揮鍾綵女生
女為王妃亡子天順八年十二月王疾篤妃與平姬范姬謀
于恂令王書告諸王曰婢劉蓮有身三月杜小梅娠一月男
也嗣我女則祈封婚焉成化元年六月恂妻鍾氏生女潛致

府中令內使劉通報諸王九月望鍾氏兄淮濂以衛卒張通
子又間納之以告諸王後女封縣主子襲爵恂等用事鍾氏
孽弟瀚數以動王及二族求利不已勿勝應也瀚怒遂告撫
按以聞朝使鞫偽伏屬按察僉事左地地至平涼分恂等下諸
吏勿相面已坐言皇訊之方爭辨左梓棄囚出見使者諭各
囚仍跽候獨引瀚自隨亟歸問坐下所匿何者囚何言伺者
曰恂囑妻妾忍死不言或得生左笑曰是矣窮治之悉伏誅
丙申皇三子祐楡生母宸妃邵氏出並太子太孫
庚戌進萬安王越太子太保兵部尚書余子俊刑部尚書林

國權

成化十四年

九



聰工部尚書王復署通政司工部尚書張文質並太子少保
豐城侯李勇定西侯蔣琬左都督趙勝並太子太保
壬子巡按江西御史沃類奏吉安獄三年中斃三百八十七
人則知府黃景隆酷陷也命刑部郎中屠勳錦衣百戶楊綱
等勘斃獄共四百七十七人其失入實百有六人于是械景隆
入京

十一月癸亥巡撫河南右副都御史李衍言河南屢有河害皆
由下流壅塞議者云開封西南朝城下至梁家淺舊河口可
以泄之其疏濬僅七里許又八角河直至南頓可以分道散


漫免祥符鄆陵睢陳諸州縣淹沒之患從之

丁卯廣西養利州永康縣俱改流官時土官趙文安楊
雄傑俱以罪除名

己未萬壽節始令翰林官習儀初詞林自來免習至是學士
王獻檢討張泰不赴命鞠訊之云例也宥之命後習儀如常

弟免閣臣未詳
己巳論囚未詳
寧夏副總兵都督僉事維謙為征下將軍總兵官鎮守遼東

辛巳復南樂王祁鈇爵
壬午戶部定遼東中鹽淮浙河東鹽例兩淮存積鹽七萬引



米一石常股鹽八萬引減三斗兩浙存積鹽五萬引米七斗
常股鹽五萬引減二斗河東十萬引米三斗

免順天災租

癸未後軍帶俸都督僉事李璵充副總兵協守寧夏

總督兩廣朱英與總兵官平鄉伯陳政爭坐改英巡撫兩廣

丙戌廣平侯袁瑄卒

十二月己丑出帑金三萬賑兗州飢

癸巳進士王盛章立應為南京戶禮科給事中

巡撫兩廣朱英為右都御史仍巡撫

甲午巡撫福建右僉都御史高明疾去

免河間水災田租

乙未增太常寺司樂二員

盜陷江西新昌縣切責守臣

戊戌傳陞鴻臚寺卿施純為禮部右侍郎

癸卯夜月食

戊申知縣吳哲姜昂劉俊吳銘賀霖劉宇王輔劉璧為試監


察御史

己酉遼東都指揮同知吳玉以胡種避嫌乞回京許之

國權

成化十四年

主



庚戌申外官私役軍士之禁

壬子翰林學士彭華為詹事

丙戌裁嘉蔬千戶所

番賊寇松潘都指揮徐旻守堡千戶陳鏞徐鎰不能禦副總

兵竟或整飭兵備副使周正方以羊酒遺賊還所掠者事聞

旻等鑄一級本衛差操

是月龍見嘉興南方以千數

國權

益官設遷孺木著

成化十五年己亥

正月辛酉皇四子祐檣生德妃張氏出

手勅進吏部尚書尹旻太子太保汪直請之也

設遷曰王越尹旻並有聲望其比汪直不誣也至長跪諸

卿皆從之則吾不信夫僉人夤附以躡進梯榮耳官至八


座腆極矣即日固位亦何至為辱人賤行也稗說過毀時

或失實如天啟中逆魏柄事間時人雖邪黨亦未嘗屈膝

國權

成化十五年

一



則汪直時可知矣彼陳鉞直媚子又不可例尹旻王越矣

甲子 上南郊

己巳都督僉事韓忠以萬人待報赴密雲防禦

壬申南京兵部尚書王恕改內兵部兼左副都御史巡撫蘇

松等處起薛遠南京兵部尚書

癸酉夜月犯上將星

己卯賑濟官刑部郎中張錦奏民倒失官畜逋稅當退徵乞

併寬免從之

巡撫大同李敏請文廟樂器許之

免穎上太和去年夏麥四千二百石

福餘衛知院可台年九十六歲兀者衛都督察安察其父任

右軍都督俱曰朝貢乞賜服予以織金麒麟衣

庚辰廣西上石西州改流官何任時土官何任弘絕

左軍都督同知錢雄卒海州人

山東去年水災免田租六十八萬九千七百餘石

辛巳省山東州縣勸農官


癸未安慶池州去年旱免租十三萬一千八百餘石

甲申停徵武清縣黑土課米五百四十石

國權

成化十五年

二



丙戌故少詹事兼國子祭酒司馬恂贈禮部左侍郎

二月庚寅湖廣去年旱免米麻蓋七十九萬二百石有奇

廣寧伯劉瑾卒

癸巳命內官監右少監張志等役九十三萬人脩蘆溝橋隄

丙申夜月犯井宿

戊戌罷鎮守通州都督同知陳遠以玩盜推避也

己亥故廣東按察副使贈按察使毛吉謚忠襄

詔運兩淮鹽給湖廣官軍俸糧

辛丑通政司左叅議方漢為南京太僕寺卿

壬寅廣西守禦千戶所獲安南諜者七人下鎮撫獄有

私人俱脫之千戶趙邦坐罪

甲辰都督僉事楊麟卒

乙巳夜月犯氐宿


丁未以兩淮常股鹽五萬引并帑金千二百賑兗州

戊申禁自宮求進者時私闖二千人盡逐之

三夜月犯南斗杓

壬子免肇慶廣高雷廉通租

夜月犯壘壁陣



甲寅命南京革開國功臣墓

丙辰夜大星青白色自雲中流近濁

三月甲子夜木星犯天街

丙寅免貴州屯租

吉安知府黃景隆苛刻論死巡按御史沃類被訐亦逮至謫
內鄉知縣景隆竟獄死謂知府許聰之陰譴也景隆同知吉
安擠聰死奪其位

戊辰夜月犯上將及土星又大星自井宿流五車

辛未夜月犯亢宿

甲戌廣韶地震有聲


前南京禮部尚書倪謙卒謙字允讓上元人正統己未進士
授編修進侍講尋侍講學士寰宇通志成進左春坊大學士
天順初改通政左叅議仍侍講尋進學士坐事成開平成化
初起官進侍郎劾免後拜尚書謙生四乳穎異善屬文嘗使
朝鮮人服其敏第好交匪人竟以是敗景泰中別選內監聰
慧者數人俾謙教之後俱柄用謙躡而復起者此數人力也
贈太子少保謚文僖

丁丑封弼錦穎昌王弼鏐浙陽王弼鉗交城王豪珍宣城王

國權

成化十五年

四



範址襄陵王

戊寅知縣張淮徐節王紳翟俊趙英趙孫弁易鶚吳泰胡漢

李珉推官孫震為監察御史

辛巳設分巡僉事于吉安

戶部主事李諒以從子王為宣寧王府儀賓被訐都察院擬

調外吏部言諒玉別籍無服遂如故

癸未免江西去年水災田租百三十二萬三千九百餘石


四月丁亥傳陞吏部聽選官李孜省太常寺丞監察御史楊守
隨等言我 祖宗立法定制官人必由資格校士必考素行

是以奸偽衰止流品疏清至于祭祀之禮罪人不得供事刑
官不得省牲病疾刑喪不得陪從其典尤重李孜省故胥也
受賂逃匿數于京師其資格則刀筆也其情罪則胥靡也小
人投合忽無級陞命下之日士論騰沸柰何用此奸罪穢人
瀆事天地祖宗廟之駿奔也吏科給事中李俊等亦以為言
上曰其改之上林苑監左監副

已丑錦衣衛指揮僉事郭良請襲故祖英武定侯爵不許

夜上星犯上将

庚寅大理寺左少卿田景陽南京大理寺右少卿邊鏞翰林




侍講李傑清理武臣貼黃

辛卯遼東太監葉達都督同知歐信都指揮韓斌等崔勝陳
雄葉廣羅雄文字常凱白祥李宗定遼等衛指揮夏時王鑑
張宏田俊劉晦石俊蕭凱傅斌俱下入失利被劾命定西侯
蔣琬刑部尚書林聰同太監往汪直往按之各罰俸有差直
之偕琬聰冀掩其罪而尚書外勘前未有也議者謂聰之徇
直竊矣未安南入貢


戊戌免應天寧國徽州災租五萬九千六百二十餘石
癸卯署欽天監事太常寺少卿童軒為寺卿仍署監事

前右都御史韓雍卒長洲人弱冠中正統壬戌進士授御史
果敢擊斷氣凌諸御史上正統中巡按江西擒治墨吏五十
七人值閩賊鄧茂七反同巡撫侍郎楊寧討平之遷廣東按
察副使薦擢右僉都御史巡撫江西恩威大著憂去奪情居
一年赴京尋巡撫大同防守經畫遷兵部侍郎上初坐累
降浙江左叅政尋改右僉都御史總督兩廣軍務平大藤峽
賊進右都御史洞達凱爽應機決策智勇並奮文牘山委剖
斷如流提桴鼓立軍門士大夫莫不用命出入矢刃意氣自
若年五十六子文廕入監嫉惡太甚慘于刑慘疾而群翹恍



王世貞曰雍穉少時多奇鬼神跡至今鄉里能誦道之而
廣士大夫先生每屈指雍曰此百世功也大藤峽天險賊
蟠據無敢窺獨雍王守仁兩至之信然哉
袁表曰兩廣自文帝朝蠻已數叛矣嘗命都督韓觀山
雲相繼鎮守後交趾不寧兩廣兵調征無虛歲加以瘴厲
耗死者十七八而蠻之生聚日繁正統末蕭養倡亂廣東
西蠻相煽動攻剽城邑累征不克朝廷為之旰食雍以一
書生不旬月蕩平之非善用兵能若是乎然非純皇之
既明且斷委任不疑亦曷克成功哉予聞之故老言韓公

發摘奸如神攻大藤峽時有老人五百詣幕府言軍情事
公疑之陰選壯士千人縛搜之懷中皆短刀悉誅之又言
韓公有膽擒賊至間手自殺之監其腦或言韓公多計數
師抵大藤峽先驅白言峽深不可渡公下令今日必渡峽
無舟則以軍之半填峽須臾師畢渡或又言蠻酋聞公名
輒喪氣師未抵峽中藤葉皆垂食成韓字諸如此類甚
衆言韓公平蠻事雖異要之有文武才予故類附之
何喬遠曰予嘗西至粵西粵西人至今不敢名韓公乃亦
嘗坐通中官貶王越比于汪直奸邪矣弘治之朝其功乃



見夫才略之士烏可繩耶

丙午免鳳陽淮安揚廬滁徐和災租

己酉慶王邃薨年三十五謚曰懷

庚戌太監劉恒汪直總兵官朱永蔣琬尚書王越簡京營兵

癸丑鄭世子見滋薨年二十八謚悼僖

五月丙辰朔添鑄鉄斛頒郡縣

太原地震

丁巳前浙江布政使布叅政陸景泰常熟人景泰辛未進士授刑部主事歷郎中以明名稱久之遷福建叅政繕理戍城

及甲仗築漳泉海隄中蜚語罷歸

免固原靖蘭州甘州屯租萬三千五百二十八石有奇

太監汪直回京誣兵部左侍郎馬文升下錦衣獄巡撫遼東

都御史陳鉞在鎮不職文升故輕鉞不自安會直至戎服

遠迎險道飭厨傳叩伏趨走甚恭直左右得鉞賂交口贊鉞

直大悅文升接直平視交揖而已鉞曰譖文升于直并及謂

建州夷盜邊緣馬公禁阻鉄器出關彼無以為鋤鉞不能安


生相率反耳直還言文升于上鉞故為山東布政使與巡撫

牟俸並強幹苛刻不相能鉞復言俸于直還會俸以議事

國權

成化十五年

八




來京直發俸貪暴事奏逮之並逮其所屬官吏侍講學士江
朝宗俸姻屬皆連逮究俸贓以萬計俸不勝拷行賄于綬
諷所逮屬官吏代俸輸牛乃罷
葉向高曰女直之興微矣極其勢至于亡遼盛宋基中國
大禍患生于所忽蓋謂茲與勝國驅除明興養養稍
馴狎矣彼其屋居耕食分地世官非專事射獵遙從無常
匈奴比故可得而羈縻言也獸奔豕突夷性則然而此如
叛彼歸朝侵夕款信使一臨叩關相望假令恩威足服其
心而擾馴毋失其宜一疆吏辦之矣顧夸者徼之以為功

貪者漁之以為利自我致寇夫復何尤夫以馬端肅之經
畫夷方悔禍勞之不圖而反為罪首卒使閹監快心邊陲
飲痛謀國如此以制夷撻一能哉

甲子御史吳道宏為大理寺右少卿撫治鄖陽流民
行人右司副張瑾使占城道豐城舟損詔物命易之

乙丑常州地震生白毛

戊辰右副都御史牟俸戍鎮遠衛翰林學士江朝宗謫廣東
市舶司提舉汪直以朝宗與俸有連也俸在戍踰年卒俸字
公爵巴縣人既卒遺貨識者憐之



庚午兵部左侍郎馬文升成重慶衛

設遷口時林聰司刑文升遣成三尺法安在哉史稱聰之
再起更為溫厚謙抑與物無忤洵矣

福餘衛都指揮扭歹等報太師亂加思蘭為族弟亦思馬因
所殺亦思馬回稱太師

壬申安南使臣陳中立等奏道由廣西為馬祥字龍土官阻
滯詔仍遣送


癸酉諭科道互隱年俸馬文升之罪于是給事中李俊御史
王濬等二十九人合詞請罪各杖二十

乙亥傳陞右僉都御史戴縉為右副都御史屠浦為右僉都
御史王濬為南京右僉都御史

丙子工部尚書萬祺進太子少保
駙馬都尉周景為父鴻臚寺卿顯乞贈謚不允

巡撫貴州陳儼貴州總兵官吳經平西堡蠻賊斬二千一百
五十餘級俘男婦七百二十餘人勅勞之是役也道劫雲南
叅政姚晷遂大舉濫殺冒功

戊寅下金吾右衛指揮經歷等官郭宏等三百四十九人于
刑部獄以受賂縱軍脫役也



已卯免常德辰衡柳靖災租

錦衣指揮吳綬調南京綬初附汪直已悔之忤直

壬午四川按察僉事范純為副使整飭大堤兵務初裁副使仍復之

燕河營右叅將李為署都督僉事總兵官鎮守薊州永平

六月癸巳罷給事中閱收止令本營點視

戊子總督漕運左僉都御史李綱卒長清人天順丁丑進士

任御史遷太僕少卿行薊州值盜示以衣笥盜語曰此李太

僕耶曰然盜曰無財不啟笥而去噫兒童走卒知其名可以

為難今雖盜賊不但知其名亦有愧于心也平江伯陳銳臨

其喪見無長物嗟歎上章乞祭葬

甲午誅劉八當哈于遼東

乙未夜月犯西咸星

嘉興有彗如流火長五六丈移時始滅

丁酉湖州知府李雄有罪戍大同衛

夜庚子夜月犯井宿

辛丑伊府西鄂王諛缺薨年二十七謚安僖


辛亥兵部左侍郎張鵬清理武職貼黃仍佐部

癸丑茂州地震

國權

成化十五年

土



七月己未巡撫甘肅左僉都御史王朝遠予告

遼東海州衛積芻火

辛酉署錦衣衛都指揮牛循下獄以貪暴通賂也戌循廣西

壬戌禮部右侍郎王直改南京吏部南京右僉都御史王濬

巡撫甘肅

乙丑南京大理寺卿宋欽坐罪奪俸三月

己巳戶部左侍郎張瓚為右副都御史總督漕運兼巡撫鳳陽

癸酉命太監汪直行邊先是陳鉞說直曰公名威名赫奕顧

因別有捕寇斬功乃可以自結于上而外著勲伐于天下

直心然之遂言下苗匪賊仇脩怨怙忽當誅故復遣直以結

初暹羅使臣坤祿群等入貢舟壞乞更造許之然使臣使臣

丁丑以知縣陳金為南京試監察御史南使臣使臣

庚辰戶部右侍郎殷謙兵部右侍郎張鵬並為左侍郎巡撫

順天右僉都御史閻本為戶部右侍郎巡撫大同右副都御

史李敬為兵部右侍郎

癸未河南左布政使孫洪為右副都御史巡撫大同以賜總


督漕運左僉都御史李綱祭墓平江伯陳銳為之請不為例

八月甲申朔旌邵武知府馮孜滁州知州陳俊寧晉知縣陳愉

國權

成化十五年

十二



俱賜誥勅

丙戌寧夏地震

辛卯增貴州按察副使整飭威清等處兵備兼理糧儲

南京大風拔孝陵木

癸巳靖遠伯王添卒

甲午金星晝見

乙未旌桂林知府金純武昌知府秦夔濟南知府王璟揚州

知府周源廬州府同知李鳳霸州知州蔣愷廣德州知州周

瑛深州知州韓儒道州知州方璟六合知縣唐詔藁城知縣

李興陽曲知縣宗賓賜誥勅

命戶部郎中裴慧萬山徐虔員外郎李紳主事劉瓊齊文陳

蕙巡視山東河南楊徐淮鳳永平河間等水災時遣七人尚

書楊鼎遺其一奪俸三月罪萬山遂改員外郎梁謹

丙申夜大星見紫微西藩流近濁

丁酉木星晝見

己亥朱永歷陳其功命世秩錦衣百戶

壬寅韓王偕藩有罪奪俸三之一

丙午左府帶俸富陽伯李興卒

國權

成化十五年

十三

